



საქართველოს განათლებისა და მეცნიერების მინისტრის

ბრძანება № 1644

ა. თბილისი, 2009 წ. 24 11

„საჯარო სამართლის იურიდიული პირის - საგანმანათლებლო და სამეცნიერო ინფრასტრუქტურის განვითარების სააგენტოს „ინფრასტრუქტურის განვითარების 2009 წლის სამოქმედო გეგმის დამტკიცების შესახებ” საქართველოს განათლებისა და მეცნიერების მინისტრის 2009 წლის 30 მარტის №174 ბრძანებაში ცვლილების შეტანის თაობაზე

წყალტუბოს მუნიციპალიტეტის სოფელ მაღლაკის №1 საჯარო სკოლის და უვარლის მუნიციპალიტეტის სოფელ ახალსოფლის №2 საჯარო სკოლის შენობების გათბობის ქსელის მოწყობის მიზნით,

„საქართველოს ზოგადი ადმინისტრაციული კოდექსის” 63-ე მუხლის, „საქართველოს 2009 წლის სახელმწიფო ბიუჯეტის შესახებ” საქართველოს კანონის (ორგანიზაციული კოდი - 321205), „საქართველოს მთავრობის სტრუქტურის, უფლებამოსილების და საქმიანობის წესის შესახებ” საქართველოს კანონის მე-20 მუხლის პირველი პუნქტის, მე-2 პუნქტის „ა” ქვეპუნქტის, 21-ე მუხლის, საქართველოს მთავრობის 2004 წლის 21 მაისის №37 დადგენილებით დამტკიცებული „საქართველოს განათლებისა და მეცნიერების სამინისტროს დებულების” მე-3 მუხლის მე-2 პუნქტის „ა”, „ბ”, „გ” და „გ” ქვეპუნქტის, საქართველოს განათლებისა და მეცნიერების მინისტრის 2009 წლის 30 იანვრის №44 ბრძანებით დამტკიცებული „საჯარო სამართლის იურიდიული პირის - საგანმანათლებლო და სამეცნიერო ინფრასტრუქტურის განვითარების სააგენტოს დებულების დამტკიცების შესახებ” მე-2 მუხლის პირველი პუნქტის „ა” ქვეპუნქტის, მე-2 პუნქტის „ა” ქვეპუნქტის საფუძველზე და საჯარო სამართლის იურიდიული პირის - საგანმანათლებლო და სამეცნიერო ინფრასტრუქტურის განვითარების სააგენტოს დირექტორის მოვალეობის შემსრულებლის 2009 წლის 12 ნოემბრის №08/38318-08 წერილის გათვალისწინებით,

ვ ბ რ ძ ა ნ ე ბ:

1. შევიდეს ცვლილება საქართველოს განათლებისა და მეცნიერების მინისტრის 2009 წლის 30 მარტის №174 ბრძანებით დამტკიცებულ „საჯარო სამართლის

იურიდიული პირის - საგანმანათლებლო და სამეცნიერო ინფრასტრუქტურის განვითარების სააგენტოს „ინფრასტრუქტურის განვითარების 2009 წლის სამოქმედო გეგმაში”, „ინფრასტრუქტურის განვითარების 2009 წლის სამოქმედო გეგმის” მე-2 თავს (საგანმანათლებლო და სამეცნიერო დაწესებულებების რეაბილიტაცია, მშენებლობა და ინვენტარითა და ტექნიკით მომარაგება) დაქმატოს 2.2.9<sup>1</sup> პუნქტი და ჩამოყალიბდეს შემდეგი რედაქციით:

„2.2.9<sup>1</sup> ზოგიერთ მუნიციპალიტეტში რიგი საჯარო სკოლის შენობების რეაბილიტაცია, გათბობის ქსელის მოწყობა.

საჯარო სამართლის იურიდიული პირის - საგანმანათლებლო და სამეცნიერო ინფრასტრუქტურის განვითარების სააგენტო, საჯარო სკოლების ზამთრის სეზონისათვის მომზადებისა და გათბობის სისტემების რეაბილიტაციის მიზნით, უზრუნველყოფს რეაბილიტირებული საჯარო სამართლის იურიდიული პირების წყალტუბოს მუნიციპალიტეტის სოფელ მაღლაკის №1 საჯარო სკოლის და უვარლის მუნიციპალიტეტის სოფელ ახალსოფლის №2 საჯარო სკოლის შენობების გათბობის ქსელის მოწყობას.

აღნიშნული ლონისძიების განხორციელება სააგენტოს მიერ დაგეგმილია 2009 წელს.”

2. დაევალოს საკადრო უზრუნველყოფისა და საქმისწარმოების სამმართველოს კანონით დადგენილი წესით ამ ბრძანების გადაცემა საქართველოს განათლებისა და მეცნიერების სამინისტროს: ფინანსური რესურსების, რეგიონული კოორდინაციის დეპარტამენტებისათვის და საჯარო სამართლის იურიდიული პირის - საგანმანათლებლო და სამეცნიერო ინფრასტრუქტურის განვითარების სააგენტოსათვის;
3. ბრძანება ძალაშია ხელმოწერისთანავე.

ნიკა გვარაშვილი

მინისტრი